

28 Ada wilt kshadēunt gish Jesus ga wātḡ gut gish ga āwāsh Caiaphas ga, ash gut dagaudit gish ga wālp dap ga; ash ga shim gunlthāk ga; ada althga dī lip lamzak dash ga wālp dap ga, op za wha shikshakshk gut, dumt wil gapsh ga Passover ga.

29 Adat wil kshagaut gut Pilate ga, ada houit gish dupniat, Gaulth ma shim wil tkāisha diya gū yōta gwa?

30 Ada dilamak gut ga ada houit gish niat, Ami n'za wha hūkhalthashum hadak gut, althga na dup dum dagau didā gwan.

31 Ada housh Pilate gish dupniat, Shim gālth, ada ma shim lip dapt ā n'lip wilalaut ga shimt. Gun housh ga Jews gish niat, Althga dup dī da'aklthk gulth dup dum zagunsh ligit nā:

32 Dum wil lūhoigiaguntk gish ga na algiaksh Jesus gish ga houit ga, ash gut shinlaidash ga n'da ga dum wila zaqushit ga.

33 Ada wil hazukshum gik zīnsh Pilate gish ga wālp dap ga, adat hūit gish Jesus ga, ada houit gish niat, King gulth Jewsi gūt nūgun?

34 Ada housh Jesus gish niat, Gup lip hou'unī gū gwa, za ligit am maltha dalth giadā gwan alth wila wālī?

35 Ada dilamak gish Pilate ga, Au! Jewunūi? N'lip zabun dīlth manpriestsit t'in dagaudun dā goi: gau da gū wān?

36 Ada dilamak gish Jesus ga, Althga dī halizoga gwai alth nhawāl da na kingdom gūt: amī n'za halizogai alth nhawāl da na kingdom gat, ada na dum lūgounshk ga tkulhūkwaūlimlthk gūt, ā dum wil wha dagautk gū da Jewsit: ada gup althga gwaillth wil wātḡ ga na kingdom gūt.

37 Gun housh Pilate gish niat,

Dish ma king nī? ada dilamak gish Jesus ga, Ltha malthdun wil kingūt. Nīnī gwai na gun kshalaklagout, gwai na gun goidukshū da halizogut, dum wil magaunshk gū da shimhou dit. Tkānish na hokshk ga dida shimhou dit t'in naḡnō amhouyūt.

38 Ada housh Pilate gish niat, Gau da gū shimhout? Ada ltha houdī a gwa, ada wil gik kshūit gish ga āwāsh ga Jews ga, ada houit gish dupniat, Althga na ligi wālth hadak ash niat.

39 Ada gup guni wilalau shim, da n'dum ksha'aklthin gaul didā gwa-shim ā dā passover: gun alth hashak shim alth n'dum ksha'aklthin king ga Jews a dā gwashimī?

40 Gun gik shagait wīamlahoudat ga, ash ga houit ga, Aina yōta gwa, yagait Barabbas. Wai al hūkzāōulshum giat ga gūt Barabbas.

CHAPTER XIX.

1 Gun adat wil gāt gut Pilate gut Jesus ga, adat wunezukt ga.

2 Ada wilt gaundit ga soldiers gut sha gaidum shgun gashāshagut ga, adat lidhā dit gish ga dumgousht ga, adat gwishnū'unt gish ga kshmu-shkshum wash gaga:

3 Ada goidukshit gish ga āwāt ga ada houit ga, Hail Kingulth Jews! adat n'ndōshit ga.

4 Ada wil gik kshūsh Pilate ga, ada houit gish dupniat, Nī, ltha na dagoiduksh didā gwashim, ma dum shim wil wilai althga na ligi wālth gish ash niat.

5 Ada kshūsh Jesus ga, hoit ga gaidum shgun gashāshagut ga dīlth kshmushkshum wash gaga. Ada housh Pilate gish dupniat, Nī yōtat!

6 Ada lthat nisht ga manpriests ga dīlth tkulhūkwa'ulimlthk gaga,